



29-08-24

Inatsisartut suleriaasianni § 37 imm. 1 naapertorlugu Naalackersuisunut apeqquteqaat imaattoq matumuuna saqqummiuppara.

Naalackersuisunut apeqqutit:

- 1) Kalaallit Nunaanni nerisassat tunisassiat, uumasut perlukui atorlugit tunisassiat taakkulu malitsigisaannik tunisassiat allat pillugit Namminersornerullutik Oqartussat nalunaarutaat 5. dec. 2023-meersoq naapertorlugu soormita aalisakkat, marlunnik qaleruallit, kapinartullit, poortallit siuteqqullu kisimik uumasut allat soorlu puisi uumasullu allat minillugit Kalaallit Nunaannit tunisassiarineqarsinnaappat?
 - a. Sooq puisit taakkulu pisatai Kalaallit Nunatsinni suliffeqarfinnit avammut tunisassiarineqarsinnaannginnerat Naalackersuisunit nassuiaateqarfigineqarnissaa kissaatigineqarpoq
- 2) Puisit taakkulu pisataat soorlu orsua vitaminiinngorlugu avammut nunanut allanut tunisassiarineqarsinnaalissappat suna aalajangersakkani amigaataava?
- 3) Inuussutissalerinermut Aqutsisoqarfiup Kalaallit Nunatsinnut angerlaanneqarnissaa Naalackersuisut pilersaarutigivaat?
 - a. Taamaappat, qaqugu?
 - b. Taamaanngippat, suna peqqutaava?

(Inatsisartunut ilaasortaq Najaaraq Møller, Siumut)

Tungavilersuut:

Allaat Qallunaat Nunaat puisip orsuanik tunisassianik Kinamut tunisisarpoq. Taamaakkaluartoq, puisimik inuussuteqartuusugut piniarnermillu kultureqartuusugut assingusunik tunisassianik Kalaallit Nunatsinni tunisassiarineqarsimasunik tuniniaaqqusaanngilagut. Inuit qinnuteqartut itigartinneqartarsimapput, tungavilersuutigineqarluni Kalaallit Nunaanni atuutsinneqartumik inatsiseqanngimmat, tamannalu pillugu tunisassioqqusaaneq pisinnaatitsissutaasinnaanngitsoq nunanulluunniit allanut tuniniaasinnaanermik pisinnaatitsisoqarsinnaanngitsoq.

Canada Islandilu imartatsinni sanilerisagut puisinniartarput tunisassiallu assigiinngitsut tuniniagaralugit, matumani ilaatigut puisip orsuanik vitaminiinik nunanut allanut tuniniaasarlutik.

Naalackersuisut avammut niuernermit tunisassiatigut nutaaliornunissaq kissaatigivaat, tamannalu tungavigerpiarlugu nalunaarummi aalajangersorneqarsimasut aallutarineqannginnererat



eqqarsarnartoqarpoq, malitsigisaanillu aamma qaqugu Inuussutissalerinermut Aqutsisoqarfiup qaqugu angerlaanniarneqassanera.

Apeqqutigineqartut ullut suliffiusut qulit iluanni akeqquneqarput.